

Na osnovu člana 4. i člana 8. Zakona o koncesijama Zeničko-dobojskog kantona ("Službene novine Zeničko-dobojskog kantona", broj 5/03) i člana 16. stav 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj 7/10), Vlada Zeničko-dobojskog kantona, na prijedlog Ministarstva za poljoprivredu, šumarstvo i vodoprivredu, na nastavku 58. sjednice, održanom dana 29.03.2012. godine, d o n o s i

O D L U K U

o pristupanju ponovnom provođenju procedure dodjele koncesija za izgradnju malih hidroelektrana MHE „Vareš“, MHE „Hodžići“ i MHE „Kula“ na rijeci Stavnji, na području općine Vareš

Član 1.

(Provođenje ponovne procedure dodjele koncesija za MHE „Vareš“, MHE „Hodžići“ i MHE „Kula“)

Pristupa se ponovnom provođenju procedure dodjele koncesija za izgradnju malih hidroelektrana MHE „Vareš“, MHE „Hodžići“ i MHE „Kula“ na rijeci Stavnji, na području općine Vareš, na osnovu utvrđenog javnog interesa.

Lokacije vodozahvata objekata malih hidroelektrana iz stava 1. ovog člana nalaze se na rijeci Stavnji i to:

- MHE „Vareš“ snage 1 100 kW, na parcelama označenim kao k.č. 2290 u K.O. Vareš, 1410 u K.O. Planinica i 1954 u K.O. Striježovo, sve općina Vareš.
- MHE „Hodžići“ snage 500 kW, na parcelama označenim kao k.č. 2413, 1469, 1472 i 2413 u K.O. Budoželje i 1968 u K.O. Striježovo, sve općina Vareš
- MHE „Kula“ snage 600 kW, na parcelama označenim kao k.č. 1475 i 2413 u K.O. Budoželje, općina Vareš

Član 2.

(Opšti eliminacioni kriteriji)

Opšti eliminacioni kriteriji za izbor najpovoljnije ponude za dodjelu koncesija iz člana 1. ove odluke su:

- Dokaz o uspješnom poslovanju ponuđača u posljednje tri poslovne godine,
- Dokaz o uredno izmirenim porezima i doprinosima,
- Studija o ekonomskoj opravdanosti koncesije sa procjenom u cilju zaštite okoliša i idejni projekat,
- Garancija banke na iznos minimalno 20% od ukupne investicije, definirane u Studiji o ekonomskoj opravdanosti koncesije,
- Dokaz o izmirenim obavezama po postojećim koncesionim ugovorima.

Član 3.

(Posebni kriteriji za ocjenjivanje ponuda)

Posebni kriteriji za izbor najpovoljnijih ponuda za dodjelu koncesija za izgradnju malih hidroelektrana iz člana 1. ove odluke su:

- Vrijeme na koje se daje koncesija je 30 (trideset) godina, računajući od dana početka korištenja koncesije, odnosno početka proizvodnje električne energije;
- Minimalni iznos tekuće koncesione naknade je 5% (pet posto) od ukupnog prihoda male hidroelektrane.
- Minimalni iznos jednokratne koncesione naknade je za: MHE „Vareš“ 60.000,00 KM (šezdesethiljada KM), za MHE „Hodžići“ 42.000,00 KM (četrdesetdvijehiljade KM) i za MHE „Kula“ 42.000,00 KM (četrdesetdvijehiljade KM).
- Učešće domaćih privrednih društava u izvođenju radova, koje će koncesionar angažovati je minimalno 50%.

Član 4. (Ostali uvjeti i kriteriji)

Ostale uvjete i kriterije, te procentualno učešće pojedinih kriterija vrednovanja za izbor najpovoljnije ponude utvrditi će Komisija u fazi izrade javnog poziva, a u skladu sa odredbama Pravilnika za ocjenu najpovoljnije ponude za dodjelu koncesija na vodama i javnom vodnom dobru (“Službene novine Zeničko-dobojskog kantona”, broj 5/03).

Preuzimanje tenderske dokumentacije vršiće se uz prezentaciju dokaza o uplati naknade za učešće na javnom oglasu u iznosu od 1.000,00 KM (slovima: hiljadu konvertibilnih maraka).

Član 5. (Javno prikupljanje ponuda)

Zadužuje se Ministarstvo za poljoprivredu, šumarstvo i vodoprivredu da putem Komisije provede postupak javnog prikupljanja ponuda, izvrši odabir u skladu sa odredbama Pravilnika za ocjenu najpovoljnije ponude za dodjelu koncesija na vodama i javnom vodnom dobru (“Službene novine Zeničko-dobojskog kantona”, broj 5/03) i predloži Vladi najpovoljnijeg ponuđača.

Član 6. (Stupanje na snagu)

Ova Odluka stupa na snagu osmog dana od objavljivanja u “Službenim novinama Zeničko-dobojskog kantona”.

Broj: 02-_____/12.

Datum, 29.03.2012. godine

Z e n i c a

PREMIJER

mr.sci. Fikret Plevljak, dipl. ing.

DOSTAVLJENO:

- 1x Ministarstvo za poljoprivredu, šumarstvo i vodoprivredu,
- 1x Ministarstvo za prostorno uređenje, promet i komunikacije i zaštitu okoline,
- 1x Ministarstvo finansija,
- 1x “Službene novine Zeničko-dobojskog kantona”,
- 1x a/a.